

130221

宋

書

一六

志第二十五

州郡一

揚州

南徐州

徐州

南兖州

兖州

唐堯之世置十有二牧及禹平水土受命九州

冀州堯都土界廣遠濟河爲兗州海岱爲青州
海岱及淮爲徐州淮海爲揚州荊及衡陽爲荊
州荊河爲豫州華陽黑水爲梁州黑水西河爲
雍州自虞至殷無所改變周氏既有天下以徐
并青以梁并甌分冀州之地以爲幽并漢初又
立徐梁二州武帝攘卻胡越開地斥境南置交
趾北置朔方改甌曰涼改梁曰益凡爲十三州
而司隸部三輔三河諸郡東京無復朔方交
趾曰交州凡十二州司隸所部如故及三國鼎

時吳得揚荆交三州蜀得益州魏氏猶得九焉
吳又分交爲廣魏末平蜀又分益爲梁晉武帝
太康元年天下一統凡十有六州後又分涼
爲秦分荆揚爲江分益爲寧分幽爲平而爲二
十矣自夷狄亂華司冀雖涼青并兗豫幽平諸
州一時淪沒遣民南渡竝僑置牧司非舊土也
江左又分荆爲湘或離或合凡有揚荆湘江梁
益交廣其徐州則有過半豫州唯得譙城而已
及至宋世分揚州爲南徐徐州爲南兗揚州之

江西悉屬豫州分荆爲讎分荆湘爲郢分荆爲司
分廣爲越分青爲冀分梁爲南北秦太宗初索虜
南侵青冀徐兗及豫州淮西竝皆不守自淮以
北化成虜庭於是於鍾離置徐州淮陰爲北兗
而青冀二州治贛榆之縣今志大較以大明八年
爲正其後分派隨事記列內史俟相則以昇明
末爲定焉地理參差其詳難舉寔由名號驟易
境土屢分或一郡一縣割成四五四五之中亟有
離合千回百改巧曆不筭尋校推求未易精悉今以

班固馬彪二志太康元康定戶王隱地道晉世起居永初郡國何徐州郡及地理雜書互相考覆且三國無志事出帝紀雖立郡時見而置縣不書今唯以續漢郡國校太康地志參伍異同用相徵驗自漢至宋郡縣無移改者則注云漢舊其有回徙隨源甄別若唯云某無者則此前皆有也若不注置立史闕也

楊州刺史前漢刺史未有所治

它州同

後漢治歷

陽魏晉治壽春晉平吳治建業成帝咸康四年

僑立魏郡

別見

肥鄉

別見

元城

漢舊縣晉屬陽平

三縣後省

元城又僑立廣川郡

別見

領廣川一縣宋初省爲

縣隸魏郡江左又立高陽

別見

堂邑二郡

別見高陽

領北新成

別見

博陸

博陸縣霍允所封而二漢無晉屬高陽

二縣堂

邑領堂邑一縣後省堂邑并高陽又省高陽并

魏郡並隸揚州寄治京邑文帝元嘉十年省

以其民併建康孝建元年分揚州之會稽東

陽新安永嘉臨海五郡爲東揚州大明三年罷

州以其地爲王畿以南臺侍御史部諸郡如從

事之部傳焉而東揚州直云揚州八年罷主畿
復立揚州揚州還爲東揚州前廢帝永光元年
省東揚州併揚州順帝昇明三年改揚州刺史
曰牧領郡十領縣八十戶一十四萬三千二百
九十六口一百四十五萬五千六百八十五

丹楊尹秦鄣郡治今吳興之故鄣縣漢初屬吳
國吳王濞反敗屬江都國武帝元封二年爲丹
楊郡治今宣城之宛陵縣晉武帝太康二年分
丹楊爲宣城郡治宛陵而丹楊移治建業元帝

太興元年改爲尹領縣八戶四萬一千一十口
二十三萬七千三百四十一

建康今本秣陵縣漢獻帝建安十六年置
縣孫權改秣陵爲建業晉武帝
平吳還爲秣陵太康三年分秣
陵之水北爲建業愍帝即位避
帝諱改爲建康

秣陵今其地本名金陵秦始皇改本治去
京邑六十里今故治邨是也晉

安帝義熙九年移治京邑在鬪場
恭帝元熙元年省揚州府禁防參
軍縣移治其處

丹楊令漢舊縣

江寧令晉武帝太康元年分秣陵立

臨江縣二年更名

永世令吳分溧陽為永平縣晉武帝

太康元年更名惠帝世度屬義興

尋復舊義興又有平陵縣董覽吳

地誌云晉分永世太康永寧地誌
立無疑是江左立文帝元嘉九年
以併永世溧陽二縣

溧陽令漢舊縣吳省爲屯田晉武
帝太康元年復立

湖孰令漢舊縣吳省爲典農都尉
晉武帝太康元年復立

句容令漢舊縣

會稽太守秦立治吳漢順帝永建四年分會稽

爲吳郡會稽移治山陰領縣十戶五萬二千二百
二十八口三十四萬八千十四去京都水千三百
五十五陸同

山陰縣今漢舊縣

永興今漢舊餘暨縣吳更名

上虞今漢舊縣

餘姚今漢舊縣

剡今漢舊縣

諸暨今漢舊

始寧令何承天志漢末分上虞立賀
續會稽記云順帝永建四年分上虞
南鄉立續漢志無晉太康三年地志有
句章令漢舊縣

鄞令漢舊縣

鄞令漢舊縣

吳郡太守分會稽立孝武大明七年度屬南徐
八年復舊領縣十二戶五萬四百八十八四十二
萬四千八百一十二去京都水六百七十陸五百

二十

吳令漢舊縣

婁令漢舊縣

嘉興令此地本名長水秦改曰由拳吳孫

權黃龍四年由拳縣生嘉禾改

曰禾興孫皓父名和又改名曰

嘉興

海虞令晉武帝太康四年分吳縣之虞鄉立

海鹽令漢舊縣吳記云本名武原鄉秦以

爲海鹽縣

鹽官令漢舊縣吳記云鹽官本屬嘉興吳立
爲海昌都尉治此後改爲縣非也

錢唐令漢舊縣

富陽令漢舊縣本曰富春孫權黃武四年
以爲東安郡七年省晉簡文鄭
太后諱春孝武改曰富陽

新城令浙江西南名爲桐溪吳立爲新城
縣後并桐廬晉太康地志無

張勃云晉末立疑是太康末立尋復省也晉成帝咸和九年又立

建德令吳分富春立

桐廬令吳分富春立

壽昌令吳分富春立

新昌縣晉武帝太康元年更名

吳興太守孫皓寶鼎元年分吳丹楊立領縣十戶四萬九千六百九十三萬六千一百七十三去京都水九百五十陸五百七十

烏程令漢舊縣先屬吳

東遷令晉武帝太康三年分元程立
後廢帝元徽四年更名東安順帝
昇明元年復舊

武康令吳分烏程餘杭立永安縣晉
武帝太康元年更名

長城令晉武帝太康三年分烏程立
原鄉令漢靈帝中平二年分故鄣立
故鄣令漢舊縣先屬丹楊